



mjesečni Bilten

omladinska mreža bosne i hercegovine

septembar
rujan

2017.

220

Dragi prijatelji/ce,

Predstavljamo vam septembarsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **182** organizacije i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u septembru 2017.	2
Planovi za oktobar 2017.	9
Aktivnosti članova mreže	10
Saopštenja/informacije/donatori/pozivi.....	23

Uživajte u čitanju!

AKTIVNOSTI ORC/HCA U SEPTEMBRU 2017.



Međunarodni Euromediteranski Forum „Interkulturalni gradovi“, Ljubljana, 3. – 6. septembar

U Ljubljani je, u periodu od 3. do 6. Septembra održan međunarodni Euro-Mediteranski Forum. Forum je organizovan u okviru međumrežne aktivnosti ALF-a »Interkulturalni gradovi«. Ove aktivnosti inicirane su zajednički od strane sedam glavnih nacionalnih kancelarija ALF-a: Slovenije, Poljske, Švedske, Finske, Češke republike, Mađarske i Izraela. Glavni cilj ovih aktivnosti bio je unaprijediti znanje i iskustva učesnika u okviru izazova interkulturalnog dijaloga, te interkulturalnih fenomena u urbanim zonama.

Ljubljanski Forum sastojao se od dvije komponente:

- jačanje razmjene između organizacija koje rade na međukulturalnim aktivnostima u gradovima Euro-mediteranske zone i
- izgradnje partnerstva i novih projekata ALF mreža iz pomenutih zemalja

Forum je otvorio Generalni sekretar Unije za Mediteran, Nj.E. amb. Fathallah Sijilmassi. Tokom tri dana intenzivnog programa u aktivnostima foruma učestvovalo je preko 120 učesnika, govornika, te gostiju iz ALF mreža Bosne i Hercegovine, Italije, Turske i Libanona.



Tokom trajanja Forumu organizovana su dva okrugla stola i četiri tematske radionice. Isto tako, održan je i sajam organizacija i dobrih praksi. Tokom čitavog trajanja Forumu, kao veoma povezujući momenat učesnika, održan je bogat kulturni i umjetnički program: koncerti, izložbe, kulturalno obojeni ručkovi i večere. Forum je omogućio dosta novih mogućnosti saradnje među partnerima, učesnicima i članovima ALF mreža. Učesnik Forumu ispred ALF BiH bio je njen koordinator, Miralem Tursinović.

Održana međunarodna konferencija „Žene – kreatorice dijaloga“ u Napulju (Italija), 11. – 14. septembra



U periodu od 11. do 14. septembra je u Napulju (Italija), u organizaciji Fondazione Mediterraneo, i uz podršku ALF Mreža iz više od dvadeset zemalja, održana je konferencija « Žene – kreatorice dijaloga ». Konferencija je održana u okviru projekta međumrežnog projekta "Kimiyya"

"Kimiyya" je međumrežna aktivnost 7 nacionalnih mreža ALF Fondacije, čiji su ciljevi organizovanje međunarodne konferencije pod nazivom "Uloga žene kao kao faktora za dijalog u Euromediterranskom društvu, te kreiranje mreže organizacija koje će u narednom periodu zajednički djelovati ka poboljšanju položaja žene u Euromediterranskoj regiji.

Na konferenciji je učestvovalo oko 200 učesnika iz preko dvadeset zemalja, međunarodni eksperti, predstavnici ALF mreže Italije, te predstavnici međunarodnih institucija. Konferencija je pokušala istražiti mogućnosti

reafirmacije uloge žene kao glavnog aktera za dijalog i mir.

Žene su glavni "Promotori" veza između civilnih društava. Podržavajući njihov trening, edukaciju i pristup novim alatima i modernism digitalnim tehnologijama, biće moguće i facilitirati međukulturalni dijalog u Euromediterranskoj regiji, smanjiti migraciju i ukazati na slučajeve konflikta.



Predstavnici ALF mreže Bosne i Hercegovine bili su: Bojan Stančević iz "Transparency international", kancelarija Banja Luka i Miralem Tursinović, koordinator ALF BiH, koji su tokom konferencije organizovali veoma uspješan panel: Interkulturalni gradovi i žene. Na panelu su, kao govornici učestvovali i: Robert Križanič, Koordinator ALF Slovenija, koji je govorio o međumrežnim aktivnostima u okviru Interkulturalnih gradova, Te Nura Aquergan iz organizacije Arab Women Solidarity Association Belgija, koja je govorila o problemima žena migranata u Evropskim zemljama.

Učešće članova ALF BiH mreže na seminarima 3.S. za interkulturalnu građansku edukaciju



U turskom gradu Bursi se u periodu od 7. do 15. septembra održao seminar pod nazivom "3.S. for Intercultural Citizenship Education". Domaćin kao i organizator osmodnevne edukacije je bila organizacija System and Generation Association iz Turske, a sve se dešavalo pod pokroviteljstvom i uz podršku Anna Lindh

Fondacije. Inače ovo je bio treći u nizu seminara na ovu temu koji su se u toku 2017. godine održali u Marokanskom gradu Tandžeru, kao i u Mazzara de Vali u Italiji. U Turskoj je učestvovalo 15 osoba iz Turske, Bosne i Hercegovine, Slovenije, Maroka, i Velike Britanije. Učesnici iz Bosne i Hercegovine su bili: Emina Isić, Slobodan Blagovčanin, i Adi Selman. Također je važno napomenuti da je "3.S. for Intercultural Citizenship Education" održan pod pokroviteljstvom Univerziteta u Manchesteru, čiji su predavači vodili veći dio seminara. Osmodnevni boravak u Turskoj je protekao u razmjeni pozitivnih iskustava, sticanju novih znanja, kao i upoznavanju novih tehnika za što bolje razumjevanje problema s kojima se suočava naša populacija.



Omladinska grupa ORC Tuzla

Javna rasprava – Strategija za mlade grada Tuzla 2017. – 2026.



Na desetoj redovnoj sjednici Gradskog vijeća Grada Tuzla, održanoj 31. avgusta, pod tačkom 9. razmatran je i usvojen NACRT STRATEGIJE ZA MLADE GRADA TUZLA 2017-2026. Jedan od zaključaka je da se Nacrt Strategije za mlade Grada Tuzla 2017-2026. uputi na javnu raspravu, u trajanju od 30 dana. 12. Septembra sa početkom u 15:00h održana je javna rasprava u Sali za sastanke u prizemlju Gradske uprave Tuzla. Javna rasprava je održana sa ciljem da se saslušaju svi prijedlozi za moguće izmjene Nacrta Strategije za mlade Grada Tuzla 2017-2026. Međutim sav koncept je izgubio smisao kada se za prigovor javio predstavnik HDZ-a Vidović Nikica. Nikica je izjavio da Strategiju za mlade Grada Tuzla 2017. – 2026. treba prevesti na sva 3 jezika koja se koriste u Bosni i Hercegovini, te na engleski jezik kako bi mladi mogli aplicirati sa Strategijom.

Nakon toga je izvrijeđao sve prisutne, rekavši da nisu načitani, te da se još moraju obrazovati. U toku njegovog govora prisutni su počeli napuštati salu za sastanke, čime je i završena rasprava.

Javnoj raspravi su prisustvovala članice Omladinske grupe Omladinskog resursnog centra Mirela Biković, Azemina Jusić i Amila Selimbašić

Sastanak Fondacije tuzlanske zajednice

Sastanak je održan 12. septembra u prostorijama Doma mladih u Tuzli. Cilj sastanka bio je okupiti predstavnike svih organizacija koje su aplicirale za projekat, zbog usmjerenja onih koji su početnici. Organizatori su nas uveli u temu, objasnili koncept rada i njihova očekivanja. Istakli su pojedine primjere projekata koji nisu zadovoljavali kriterije i ne bi prošli dalje, bez imenovanja ikoga.

Budžet : početni 2500BAM → maksimalni 4000BAM

Predstavljajući svoju ideju/projekat kompanijama, odnosno sponzorima koji bi na osnovu toga koliko im se sviđa naš projekat odlučili da li žele investirati u nas, tj. možemo li doći do maksimalnog iznosa od 4000 KM (POTRAGA ZA BLAGOM).

Fondacija je odlučila pružiti potporu u vidu 2 "modula podrške" koji će svima nama biti od velikog značaja za što bilju realizaciju ideje:


1. Pisanje koncepta
2. Biznis marketing

Rok dostavljanja koncepta 2.10.2017. a 11 najboljih projekata prolazi dalje.

Na sastanku je bila prisutna članica Omladinske grupe Omladinskog resursnog centra Ines Mešić.

Ko se boji korupcije? Mi ne!

U septembru je jedna od članica Omladinskog resursnog centra Tuzla - Mirela Biković imala priliku vršiti monitoring u Javnim ustanovama na području Tuzlanskog kantona, u sklopu projekta "Ko se boji korpcije? Mi ne!" u organizaciji Omladinskog komunikativnog centra Banja Luka. Imala je priliku da prisustvuje i nadgleda predavanja na temu mita i korupcije. Djeci su shodno njihovom uzrastu približeni pojmovi korupcija, prevara, mito, nepotizam, lična usluga, trgovina uticajem i sl.



Monitoring je vršen u sljedećim ustanovama:

***JU "Naše dijete" Tuzla (21.09.)**

- S obzirom na uzrast, jer se radi o vrtiću, djeci je tema korupcije i mita predstavljena kroz analizu bajke "Mačak u čizmama". Iako izetno malog uzrasta, djeca su dobro razumjela pojam korupcija, te iznosila

svoje primjere. Predavanje je trajalo u periodu od 9:30 do 11:00, gdje je nakon završetka predavanja vaspitačica imala priliku da popuni evaluaciju namijenjenu za nastavno osoblje;

***JU OŠ "Teočak" Teočak (22.09.)**

- Nastavni profesor je kroz pripovijetku "Jazavac pred sudom" pokušao da približi i objasni današnju situaciju u svijetu, te i sam pojam "korupcija". Osim pripovijetke prikazan je i kratkometražni film "Kako dobiti posao u BiH - Mito i korupcija". Djeca su korupciju na najbolji način shvatila, žargonski rečeno kao "štelu". Pored Mirele Biković u Teočaku monitoring je vršila i Amila Selimbašić, također članica Omladinskog resursnog centra Tuzla;



***Gimnazija "Meša Selimović" Tuzla (25.09.)**

- Učenici su predavanje započeli videom pod nazivom "Korupcija", zatim analizom slučajeva korupcije iz priručnika, gdje su imali priliku kroz rad u grupama da razgovaraju o vlastitom djelovanju u susretu sa korupcijom. Učenici su zaključili da se svakodnevno susreću sa korupcijom, ali da nisu dovoljno upućeni kako da se nose sa istom;

***Ekonomsko-hemijska škola Lukavac (27.09.)**

- Zajedno sa profesoricom učenici su pojam korupcije definisali kao zloupotrebu položaja, te na ironičan način nazvali korupciju u BiH granom privrede. Tvrdi da u BiH ima mnogo korupcije, te da su se i sami u svojoj odjeljenskoj zajednici imali priliku susresti sa primjerom mita i korupcije. Kroz rad u grupama je rađeno osvještavanje mladih o ovom problemu, kako bi se suzbila korupcija.

-Svi učenici i nastavno osoblje su nakon predavanja imali priliku ispuniti njima namjenjenu evaluaciju.

Završna konferencija projekta „Ko se boji korupcije? Mi ne!“



25. i 26. Septembra na Jahorini, u hotelu "Termag" je održana završna konferencija projekta "Ko se boji korupcije još? Mi ne!". Konferencija je održana uz podršku Američke ambasade, Udruženja Infohouse, zajedno sa partnerskim organizacijama Omladinskim Komunikativnim centrom (OKC) i Centrom za razvoj medija i analize. Učesnici projekta bili su vaspitači/ce, nastavnici/ce i profesori/ce iz vrtića, osnovnih i srednjih škola sa područja čitave Bosne i Hercegovine.

Isto tako, na konferenciji je urađena prezentacija istraživanja stavova prosvjetnih radnika o efikasnom uvođenju antikorupcijskog obrazovanja u predškolskim ustanovama, osnovnim i srednjim školama. Također prezentovani su primjeri pozitivne prakse u realizaciji pilot časova o etici i antikorupciji u obrazovnim ustanovama na području Bosne i Hercegovine. Održana je i diskusija o strateškim pravcima u antikorupcijskom obrazovanju u Bosni i Hercegovini i predložene su smjernice za dalji rad projekta pod strane učesnika.

Predstavnica Omladinskog Resursnog Centra Tuzla bila je Ines Mešić.

Vizije omladinskog rada



U mjestu Agia Triada je od 10. Do 16. septembra održan trening kurs za diseminaciju pod nazivom "Vizije omladinskog rada". Trening kurs "Vizije omladinskog rada" je drugi trening kurs i nastavak treninga iz Vršca, koji je održan u junu ove godine za omladinske radnike i aktiviste iz Bosne i Hercegovine, Srbije, Slovenije, Grčke i Turske.

Cilj projekta, koji se realizuje pod pokroviteljstvom Evropske Komisije kroz program Erasmus+, jeste jačanje kapaciteta omladinskih organizacija za uključivanje okoline u omladinski rad, kroz digitalnu komunikaciju uz efikasno korištenje društvenih mreža i vizuelnih poruka.

Organizator treninga je organizacija iz Srbije "Balkan Urban Movement". Predstavnik Omladinske grupe ORC Tuzla bio je Emir Karamujić.

Međunarodni dan mira - Brčko

U Brčkom je 21. Septembra organizovano obilježavanje Međunarodnog dana mira. Članovi mreže „Promoviši pozitivno“ iz Brčkog, u saradnji sa Policijom Brčko distrikta BiH i misijom OSCE-a u Bosni i Hercegovini, organizovali su prijem kod gradonačelnika Brčko distrikta BiH i zamjenika šefa Policije Brčko distrikta BiH, kao i panel diskusiju za predstavnike regionalnih koalicija. Učesnici ovog događaja su bili predstavnici koalicija iz Banja Luke, Teočaka, Doboja i Tuzle.

Događaj ima višestruke ciljeve. Glavni cilj je promovisanje tolerancije, društva bez mržnje, anti-diskriminacije i sigurne



zajednice kao osnova za mir. Zatim, uspostavljanje dijaloga i saradnje među koalicijama za borbu protiv mržnje kao i sa predstavnicima vlasti i lokalnih institucija radi jačanja društvene povezanosti.

Predstavnik Omladinske grupe Omladinskog resursnog centra Tuzla i Koalicije za borbu protiv mržnje Tuzla bio je Emir Karamujić

Međunarodni dan mira - Tuzla

Povodom Međunarodnog dana mira u prostorijama JU MSMŠ Tuzla 28.septembra održane su tri radionice u istom vremenskom periodu od 12 do 13:30, za tri srednje škole: Mašinsku, Saobraćajnu i Ekonomsku. Teme koje su se obrađivale su bile: Kako me drugi vide? , Aktivno slušanje i Identitet. Na radionicama je prisustvovalo 45 učenika. Moderatori radionica bile su članice Omladinske grupe ORC Tuzla, Džananović Amina i Memeti Melisa - ujedno i predsjednice vijeća učenika.



Balkan Diskurs



Intercultural Achievement Award/nagrada za interkulturalna dostignuća je inicijativa Austrijskog federalnog ministarstva za Evropu, integraciju i vanjske poslove. Nagrada je kreirana 2014. Godine, kao odlikovanje za uspješne inovativne projekte iz oblasti interkulturalnog dijaloga, kako u Austriji tako i globalno. Nagrada je namijenjena svima onima koji prepoznaju i koriste prilike i mogućnosti koje se nude u jednoj interkulturalnoj zajednici. Nagrada je također kreirana za sve one koji istražuju nove puteve ka interkulturalnom dijalogu, prevladavaju izazove interkulturalnom djelatnošću, kao i one koji se svojom prisutnošću u

medijima zalažu za promociju dijaloga kultura i religija i dodjeljuje se u četiri kategorije: održivost, nedavna dešavanja/aktualnosti, inovacije, mediji.

Posebno nagradno priznanje u kategoriji medija, dotirano sa 3.000 EURA, je 28. Septembra sa početkom u 18:30h u Austrijskoj ambasadi u Sarajevu dodijeljeno PCRC-ovom projektu „Balkan Diskurs“. Projekat

„Balkan Diskurs“ je izabran iz sljedećih razloga: projekat teži ka promociji inkluzije i interkulturalnog dijaloga, tako što svoje sadržaje na multimedijalnim platformama čini dostupne svima i na taj način mladima u BiH pruža znanje i vještine koje su im potrebne da bi postali budući medijski kreatori.

Na dodjeli priznanja bila je članica Omladinske grupe Omladinskog resursnog centra Amila Selimbašić.

REDOVNE AKTIVNOSTI ORC I HCA TUZLA

Tokom septembra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte za ovu godinu.

PLANOVI HCA/ORC-A ZA OKTOBAR 2017.

- Sprovođenje redovnih aktivnosti kroz Omladinsku mrežu Bosne i Hercegovine;
- Završetak aktivnosti i izvještavanje o koraku 7 ALF (aktivnosti 2015. – 2017.) Priprema plana aktivnosti ALF Mreže u BiH za naredni period
- Nastavak rada na namicanju sredstava za 2017. godinu.
- U okviru projekta „YOUth 4 better future“ (Mladi za bolju budućnost), u planu nam je izrada videa koji će za cilj imati da ukaže na interkulturalnost mladih u našem gradu i Bosni i Hercegovini, kao i pripreme aktivnosti sa partnerima uključenim u projekat.



AKTIVNOSTI ČLANICA OMLADINSKE MREŽE BiH



Omladinski klub "DIJAMANT"

Ul. Bučići 42, 70101 Jajce

Tel./fax: +387 30 279 444, 61 179 209, 63 366 811

E-mail: m.sekib@bih.net.ba

WEB: www.ocd-dijamant.net, www.dijamantmoda.com

Projekat „Sport je najbolja komunikacija“ spojio mlade iz Jajca i Donjeg Vakufa

U okviru planiranih aktivnosti Omladinskog kluba "Dijamant" i ŽOK "Jajce-Nansen", kroz projekat "Sport je najbolja komunikacija", mladi iz Jajca posjetili su svoje vršnjake u Donjem Vakufu. OK "AS" priredio je prijem za 30 mladih aktivista iz našeg grada, te su organizovali niz takmičenja u gradskoj dvorani.



Svi učesnici su imali priliku da se uključe po svom afinitetu u sportske aktivnosti, odbojku, košarku, „između dvije vatre“, te mali nogomet. Mladi su se natjecali družili, te razmijenili informacije, iskustva i dogovorili novi susret. Svi su se složili da se kroz druženje, sportske aktivnosti, razmjenu informacija i iskustava najbolje ruše predrasude koje su itekako prisutne kod mladih, rekao je Šekib Makić, predsjednik Omladinskog kluba "Dijamant".

Mladi su posebno iskazali zavidan nivo svijesti o zaštiti životne sredine, jer su kroz ekološku akciju na dionici Jajce-donji Vakuf prikupili veliku količinu plastičnog i papirnog otpada.



Veliko zanimanje djevojčica vladalo je za igru između dvije vatre, a novo druženje zakazano je krajem ovog mjeseca u našem gradu.



OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac

Dnevne radionice

Omladinska organizacija Svitac je u septembru nastavila sa svakodnevnim aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Koordinatorica jutarnjih radionica je pripremila plan aktivnosti za neformalno učenje kroz igru, maštovitost i kreativnost. U toku mjeseca za uzrast 4-7 godina su se organizovale kreativne radionice, gdje su učesnici pravili ptice od papira, kuće od kartona, ukrasne dekoracije, zatim su bojili radne listove sa figurama životinja, slova i brojeva. Jedan dan u sedmici je planiran za zajedničko gledanje crtanih filmova i takmičarske igre. Materijali koji su se koristili za realizaciju ovih radionica su ljepilo, karton, kolaž papir, blokovi za crtanje, voštane boje, flomasteri, drvene i vodene bojice. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, takođe da razviju motoriku i poštovanje prema drugom i usvoje lijepo ponašanje. Ovaj mjesec je do 20 učesnika pohađalo jutarnje dnevne radionice.



Poslepodnevna grupa prati raspored koji je svaki dan drugačiji, pokušavajući obuhvatiti što više različitih tema i aktivnosti. (uzrast 8+). Ponedjeljkom je na rasporedu kreativna radionica i kreativno izražavanje. Ovaj mjesec grupa je radila na novim tehnikama bojanja sa otiscima prstiju, ptice od plastičnih čaša i dekoracije. Utorkom su radionice engleskog jezika, komunikacija, izgovor, te razne igre koje pospješuju učenje stranog jezika u grupi. Grupa je takođe i ovaj mjesec pored gramatičkih zadataka vježbala komunikaciju na engleskom jeziku na temu "Summer holidays", te vježbe za kreativno pisanje priča. Srijeda je muzički dan. Svakog četvrtka je grupa učesnika podijeljena u dvije manje i učesnici imaju mogućnost da izaberu jednu od sportskih aktivnosti: tenis, badmington ili odbojku, ili neku od stanica sa mini igrama takmičarskog duha. Učesnici imaju mogućnost da se okušaju u društvenim igrama i timskom radu, razvijajući osjećaj za poštovanje drugog, socijalizaciju i fer igru.

Petkom su na rasporedu radionice njemačkog jezika, gdje učesnici uz igru i timski rad imaju priliku da poboljšaju komunikaciju i vokabular.

Radionice se održavaju u Omladinskom centru Brčko distrikta.

„Pričajmo njemački“ – radionice komunikacije na njemačkom jeziku sa izvornim govornicima

Radionice njemačkog jezika se održavaju svakog četvrtka u prostorijama Omladinskog centra Brčko distrikt od 17:30-19:30 časova. Na početku radionica koordinator na njemačkom jeziku postavi par pitanja iz opšteg znanja, te na taj način uvede grupu u zadatke. Ovaj mjesec je grupa radila na komunikaciji i nastavila rad na tekstovima prilagođenim njihovom poznavanju njemačkog. Grupa je takođe radila vježbanje slušanja, te pisanje i čitanje. Radionice komunikacije na njemačkom jeziku su namijenjene za sve koji žele naučiti osnove gramatike, ali i usavršiti već postojeće znanje i steći nova iskustva i poznanstva.

„I love English“ – radionice komunikacije na engleskom jeziku sa izvornim govornicima

Radionice engleskog jezika se održavaju svake srijede u prostorijama Omladinskog centra Brčko distrikt od 19:00-20:00 časova. Radionice komunikacije na engleskom jeziku su namijenjene svima koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva. Ovaj mjesec je koordinator radionica više pažnje posvetio komunikaciji i debatama sa različitim temama.

„Učimo Turski“ – radionice komunikacije na turskom jeziku sa izvornim govornicima



Radionice turskog jezika se održavaju utorkom u prostorijama Omladinskog centra Brčko distrikt od 18:00-19:00 časova. Radionice komunikacije na turskom jeziku su namijenjene za sve koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva. Učesnici su ovaj mjesec vježbali svakodnevne, jednostavne dijaloge.

Sportske radionice

Sportske radionice se održavaju utorkom i četvrtkom od 16:00-17:00 časova u prostorijama Omladinskog centra Brčko distrikt i namijenjene su mladim ljudima koji žele da poboljšaju motoriku, kondiciju i tjelesnu snagu, te da steknu nove vještine i poznanstva.

Radionice gitare

Učesnici radionice gitare u avgustu su nastavili sa redovnim radom.

Radionice sambe

Učesnici ove radionice ponavljali su kompozicije iz prethodnih mjeseci.

Međunarodni dan mira

Povodom Međunarodnog dana mira, 21. septembra, Omladinska organizacija Svitac je organizovala radionice, čiji je cilj bio da se promoviše važnost svjetskog mira, stabilnost i sigurnost, te važnost saradnje i timskog rada. U okviru radionica učesnici su učestvovali u diskusiji prilagođenoj njihovom uzrastu, te su imali priliku da kažu svoje mišljenje o tome šta je mir (npr. mir je vrijeme u kojem nema rata) i na koji način učesnici mogu da u svakodnevnom životu njeguju globalnu ideju mira i da izbjegavaju vrijeđanje drugih ljudi. Koordinator Adin Midžić je napravio malu vježbu, koja predstavlja emocije na primjeru bijelog papira. Papir koji je netaknut predstavljao je emocije prije nego što se nasilno i ružno ponašalo prema njima, dok je u drugom dijelu vježbe papir pogužvan i kao takav je predstavljao emocije nakon primjene nasilja i lošeg ponašanja. Finalni zadatak za učesnike je bio da papir pokušaju poravnati, što naravno nije bilo moguće, te da papiru upute izvinjenje. Učesnicima je postavljeno pitanje da li je papir ispravan i netaknut kao što je bio prije nego je zgužvan, došli su do zaključka da nije, na tom primjeru su vidjeli da bi se trebali dobro ponašati prema drugima. Na zadnjoj aktivnosti učesnici su obojili mirovne znakove i izrezali bijele golubice, koje su se koristile za ukrašavanje velikog mirovnog postera.



Učesnici dnevnih aktivnosti, uzrasta 7-13 godina, su dizajnirali cvijeće od krep papira kao svoj vlastiti jedinstveni cvijet sa simbolom mira. Cvijeće je kombinovano sa golubovima koje su učesnici prve grupe pravili na prethodnoj radionici. I sa ovom grupom je održana diskusija prilagođena njihovom uzrastu na temu mir i zašto je mir važan.

Seminar „8. Međunarodna sedmica mira“



Adin Midžić je, kao predstavnik Omladinske organizacije Svitac, učestvovao na seminaru pod nazivom „8. Međunarodna sedmica mira“, koji je održan u Sanskom Mostu. Seminar je organizovala organizacija „Centar za izgradnju mira/CIM iz Sanskog Mosta. Na seminaru je učestvovalo 50 učesnika iz regije koji svojim radom doprinose izgradnji mira. Cilj seminara je bio umrežavanje učesnika i razmjena iskustava i ideja za budući rad.

Za oktobar se planira nastavak svih redovnih radionica Omladinske organizacije Svitac.



H.O. MUSLIMANSKO DOBROTVORNO DRUŠTVO – MERHAMED DOBOJ

Ul. Kralja Aleksandra 17, 74000 Dobož

Tel./fax: +387 53 226 886

E-mail: merhamet.doboj@cutuk.net

FB: www.facebook.com/Merhamet-Doboj

Obimne su aktivnosti H.O. „Merhamet-a” Dobož u septembru. Osim stalnih aktivnosti, koje podrazumijevaju: evidentiranje članarine, štampanje molbi, žalbi, raznih dopisa, fotokopiranja za korisnike „Merhameta”, rada sa članovima, pružanje informacija, raspodjele humanitarne pomoći, izrade projekata i prisustva seminarima, okruglim stolovima i drugim sesijama, HO „Merhamet” Dobož je u septembru radio sljedeće:

Raspodjela donirane garderobe za članove

U mjesecu septembru „Merhamet” Dobož imao je priliku da obraduje svoje članove, tako što je podijeljena garderoba, donirana od strane firme „Sandy” d.o.o Kraševo – Tešanj. Ovom prilikom se zahvaljujemo firmi „Sandy” d.o.o Kraševo- Tešanj na donaciji.



Raspodjela kurbanskog mesa



U septembru je „Emmaus” donirao kurbansko meso, tako da je veliki broj članova obradovan za kurban bajram. Sve pohvale za ove vrijedne aktiviste na čelu sa direktorom Hamzaliom Okanovićem. Kurbansko meso koje je stiglo iz Sarajeva podijeljeno je prema propisima. Prvenstveno je podijeljeno 1/3 uplaćenih kurbana, a zatim ostalim članovima. Direktor Regionalnog Merhameta Banjaluka, Jasmin Spahić maksimalno se potrudio da se ispoštuje pravila uplaćenih kurbana.

Regionalni sastanak Koalicije za borbu protiv mržnje

14. septembra održan je regionalni sastanak predstavnika Koalicije za borbu protiv mržnje. Predsjednica Merhameta Dobož, Faketa Avdić prisustvovala je sastanku u Vitezu, ispred koalicije "Toleratno i pozitivno iz cijele BiH". Organizator sastanka bila je OSCE kancelarija. Tokom sastanka učesnici su

upoznati sa istorijom općine Vitez, što je prezentovao književnik Anto Zirdum. Isto tako, iskoristili smo priliku da posjetimo Udruženja za djecu sa posebnim potrebama "Betanija", te predložimo aktivnosti za sljedeći sastanak koalicije, koji će se održati 16.10.



Prezentacija Centra za razvoj društvenog poduzetništva „Globus“



14. septembra aktivisti Merhameta prisustvovali su prezentaciji centra za razvoj društvenog poduzetništva "Globus" - projekat: "Podsticanje socijalnog preduzetništva u BiH". Promocija i podsticanje razvoja socijalnog, društvenog preduzetništva kroz programe istraživanja, edukacije, savjetovanja i dr.

Seminar „Izrada planova integriteta“

Sekretarica H.O. "Merhameta" Sabrina Ibrahimović je 18 septembra prisustvovala seminaru na temu "Izrada planova integriteta". Učesnici seminara imali su priliku da iznesu svoja mišljenja, kao i da predlože planove integriteta za sljedeću godinu, odnosno šta je to što bi se moglo promijeniti u obrazovnim institucijama, ali i državnim organima vlasti. Razgovor se odnosio i na problem u zapošljavanju: na koji način se zapošljava, te da li postoji korupcija u svemu, pa i prilikom zapošljavanja. Učesnici su imali priliku da nauče nešto, iznesu svoja mišljenja.





NAUTILUS | UDRUŽENJE
MLADIH

Udruženje NAUTILUS

Semira Frašte bb, 71000 Sarajevo
Skendera Kulenovića 23, 75000 Tuzla
Tel: 00 387 (33) 465 488 – lok 110
web: www.nautilus.ba
e-mail: info@nautilus.ba

Saradnja Udruženja sa Fondacijom tuzlanske zajednice

Saradnja se ogleda u kontekstu implementacije projekta „Budi junak-junakinja svoje zajednice“. Sveukupni cilj ovog projekta je stvoriti model, kroz koji će peer-edukatori obučiti mlade marginalizirane osobe i pripremiti ih da prepoznaju vrijednost društvenog angažmana u lokalnoj zajednici za poštovanje ljudskih prava, mijenjanje i unapređenje situacije u društvu i osposobiti ih da mogu koristiti stečena znanja i vještine u praksi. Ovaj projekat će trajati osam mjeseci - od oktobra 2017. godine do maja 2018. godine. Kroz ovaj projekat mladi će steći mnogo znanja i vještina, koji će im pomoći da prepoznaju svoja prava, probleme i načine na koji se oni mogu realizovati. Također će kroz ovaj projekat imati priliku da se direktno obrate predstavnicima vladinih institucija i agencija i biznis sektora, kao i da dogovore određene aktivnosti koji će im pomoći u ostvarenju njihovih snova i usmjeriti ih na pravi put. Udruženje „NAUTILUS“ u saradnji sa Fondacijom tuzlanske zajednice će provesti ovaj projekat na pet lokacija i to Srebrenik, Kalesija, Lukavac, Živinice i Tuzla.

Projekat je podržan i od Ministarstva za obrazovanje, nauku i mlade Kantona Sarajevo. S tim da će se provoditi u 9 Općina Kantona Sarajevo a to su Centar, Stari Grad, Novi Grad, Novo Sarajevo, Hadžići, Ilijaš, Ilidža, Vogošća i Trnovo. Ideja samog ovog projekta je jačanje uloge civilnog društva u promociji i povećanju poštovanja ljudskih prava i promocija sudjelovanja marginaliziranih mladih u društvenim procesima što je preduslov za osnaživanje mladih i za različite angažmane uključujući i povećanje konkurentnosti na tržištu rada.

Nakon sprovedenih vršnjačkih edukacija odnosno takozvanih peer-to-peer edukacija svi učesnici će svoje znanje stečeno na edukaciji prenositi vršnjacima u školama. To znači da će Udruženje nastaviti edukacije po školama kroz obučeni mladi kadar.

Uči, misli i djeluj! (UMiD)



Udruženje „NAUTILUS“, u partnerstvu sa Institutom za razvoj mladih KULT i Programom za mlade SOS Dječijih sela YES Centar provodi program obuke omladinskih lidera/ki UMiD (Uči, misli i djeluj!). UMiD obuka omogućava mladoj osobi da postane aktivan/aktivna lider/liderica u svojoj lokalnoj zajednici i potpomogne u rješavanju problema mladih i nauči nove vještine. Učesnici ove obuke su mladi iz cijele Bosne i Hercegovine.

Obuka se sastoji iz deset modula po dva dana. Teme koje su održane do kraja septembra 2017. godine su liderske vještine i timski rad, politike prema maldima i građanski aktivizam.

Tokom obuke svi učesnici su dobili priliku da sa vršnjacima osmisle konkretnu akciju u cilju rješavanja

postojećeg problema u lokalnoj zajednici, čiju će realizaciju savjetodavno i finansijski podržati Program za mlade SOS Dječjih sela YES Centar. Svi uspješni polaznici/ce će nakon obuke dobiti certifikat, a Institut će pratiti aktivistički razvoj i pružati podršku mladoj osobi i nakon obuke.

Na prvom modulu, a to su liderske vještine i timski rad, učesnici su se upoznali sa ostalim polaznicima obuke, kao i sa samom obukom, te naravno tematskom cjelinom. Nakon drugog modula mladi su osposobljeni da primjenjuju zakonske odredbe o mladima u Bosni i Hercegovini prilikom ostvarivanja svojih prava u zajednici. Upoznati su s načinima uključivanja u proces donošenja odluka o pitanjima koja se tiču mladih, te su naučili prepoznavati elemente dobre i loše politike prema mladima u svojoj lokalnoj upravi kako bi mogli djelovati. Poslije završenog modula mogli su prepoznati probleme i potrebe mladih ali i znati koji su kroaci u izradi strategije prema mladima koja predstavlja put i unapređenje položaja mladih.

Superbus



"Superbus" - Reaching Diversity through Playing je projekat Programa SOS mobilno-edukativnog projekta „Superbus“, a čiji je partner Udruženje „NAUTILUS“ i Program za mlade SOS Dječija sela YES Centar.

Projekat "Superbus" - Reaching Diversity through Playing se realizira na 7 različitih lokacija (Sarajevo i Istočno Sarajevo, Mostar, Goradže, Gračanica, Maglaj, Srebrenica i Tuzla).

Saradnja sa Omladinskim savjetom Istočnog Sarajeva i Asocijacijom srednjoškolaca u Bosni i Hercegovini –

Istočno Sarajevo na ovom projektu se temelji na pružanju pomoći djeci i mladima pri savladavanju nastavnog gradiva i individualnoj izgradnji.

Aktivnosti koje će se realizovati kreću od konferencije koja će okupiti veliki broj aktera iz različitih grupa stakeholder-a. Nakon toga, realizovati će se trening za trenere. Trening za trenere podrazumijeva 3 sesije i to u oktobru i novembru ove godine. Eksperti će edukovati učesnike o metodologiji učenja kroz igru. U mjesecu februaru organizirati će se PCM trening (Project Cycle Management) i to u 2 modula (basic, advance) gdje će učesnici zajedno imati priliku da napišu najmanje 5 projektnih prijedloga.

Peer edukacije su faza prenošenja usvojenih znanja na prethodnim treninzima za mlade. Učesnici će pružiti podršku formalnom obrazovanju primjenom stečenih znanja i vještina u educiranju mladih.





www.pronibrcko.ba

PRONI Centar za omladinski razvoj

Ul. Mehmedagića 24, 76100 Brčko distrikt BiH

Tel./Fax: +387 49 217 695

E-mail: pronibrcko@teol.net

www.pronibrcko.ba

„Training course for dissemination“ – PRONI na seminaru u Grčkoj

[PRONI Centar za omladinski razvoj](#) kao partnerska organizacija učestvovao je na seminaru “The Vision of Youth Work – Training course for dissemination” u Grčkoj od 10. do 16.septembra, koji je organizovao [Balkan Urban Movement](#) iz Srbije, naš dugogodišnji partner. Tema seminara je bila social media marketing.



"Ovaj projekat je bio nastavak seminara iz Ljubljane (April) i Vršca (Juli), i meni jedna od najzanimljivijih tema. Naime marketing na društvenim mrežama je trenutno broj jedan marketing u svijetu, i učiti o tome od profesionalaca u tom polju je stvarno privilegija i veliko iskustvo. Iskoristiti marketing na društvenim mrežama u nevladinom sektoru je svakako korisno kako za organizacije tako i za individue da budu kompetentni na tržištu rada. Sve se to dešavalo u predivnoj Grčkoj sa još 20 mladih iz 5 zemalja, nevjerovatno iskustvo. Sve pohvale organizatoru." - kaže za PRONI Dejan Rađen. [Jasmin Jasarevic](#), [Adina Halilović](#), [Emir Karamijic](#), [Bojana Delic](#) i [Dejan Rađen](#) su bili naši predstavnici sa jos 20 mladih iz Grčke, Turske, Srbije i Slovenije. Projekat je podržan od strane [Erasmus+](#).

Gdje smo bili? – Sve o RE:START projektu u Lajpcigu

U periodu od 16. Do 25. Avgusta naši volonteri Stefan Savčić i Vesna Lukić su boravili u Lajpcigu, gdje su učestvovali u „RE:START“ projektu, koji se bavio pravima izbeglica i migranata, kako i metodologiji njihovog zbrinjavanja. Pored naših volontera koji su predstavljali BiH, tim od 24 člana činili su jos učesnici iz Turske, Kipra, Švedske, Njemačke, Rumunije, Italije, Grčke i Makedonije. Domaćin organizator u Lajpcigu bila je „Lucky punch“ organizacija, a projekat je podržan kroz Erasmus + program.

Ono što ovaj projekt izdvaja od drugih jeste učešće tima iz Švedske, koji su činili 4 imigranta iz Sirije. Učesnici su imali mogućnost čuti njihovu životnu priču i pitati ih ono što ih zanima. Oni su jedni od onih srećnih koji su uspjeli preko raznih ilegalnih načina preći granicu, potrošili svoje životne uštedjevine samo da bi se osjećali sigurno i izbegli rat. Mnogo više je onih koji su ostali u susjednim zemljama u izbegličkim kampovima.

„Bila je to skupina ljudi različitih etničkih, socijalnih, religijskih i društvenih pozadina koja je do kraja treninga postala povezana kao jedna velika porodica. Sigurni smo da ćemo sa velikim brojem ovih ljudi ostati u kontaktu! Sveukupan projekat „RESTART“ nas je oduševio, kako ideja, tako i organizacija, te spremnost trenera da nam prenesu svoja znanja i iskustva. Imali smo priliku čuti priče iz stvarnog života, te upoznati ljude koji su na svojoj koži osjetili teškoće prisilnih migracija, što nas je dodatno zainteresovalo za temu i istinski dotaklo kao čoveka “ - kaže Vesna, jedna od dugogodišnjih volontera „PRONI“ Centra Brčko.



Seminar „Working together“

PRONI Centar je, kao članica [Y-E-N \(Youth Express Network\)](#) učestovao na seminaru "Working Together" krajem Juna u Temišvaru (Rumunija). Projekat je okupio 21 mladu osobu iz 13 država i 17 omladinskih organizacija. Projekat podržan od strane [European Youth Foundation](#) i [Council of Europe](#).





Institut za razvoj mladih KULT

Ul. 4. viteške brigade 34-36 BA, 71210 Ilidža, Sarajevo

E-mail: kult@mladi.org

Tel.: +387 33 778 778; Fax: +387 33 778 779

Web: www.mladi.org

Mladi odlaze, jer ne vide da će im uskoro biti bolje

Institut za razvoj mladih KULT u septembru je objavio rezultate online istraživanja „Odlazak mladih iz BiH, Srbije, Hrvatske i Crne Gore u zemlje EU“, koje je Institut realizovao u periodu od jula do augusta 2017. godine.

Prema rezultatima istraživanja, mladi koji napuštaju BiH, Srbiju, Hrvatsku i Crnu Goru u svoju zemlju vratit će se samo ako im se osigura veća mogućnost za zaposlenje i izgradnju karijere.

U istraživanju je učestvovalo 720 ispitanika iz BiH, Srbije, Crne Gore i Hrvatske, osoba u dobi od 15 do 35 godina koje su se već odselile iz navedenih zemalja u protekle tri godine ili su pokrenule proces iseljavanja s namjerom da u bliskoj budućnosti napuste svoju zemlju. Najveći broj odgovora dali su mladi u dobi između 21 do 30 godina starosti, uglavnom iz urbanih sredina.


Prema rezultatima ankete, najviše mladih odselilo je u Njemačku, a zatim slijede Austrija, Švedska, Slovenija, Ujedinjeno Kraljevstvo, Irska, Francuska, Španija, Holandija, Češka...

Više od 50% mladih u druge zemlje odlazi samostalno, više od 30% uz pomoć rodbine i prijatelja, dok ih manje od 10% za odlazak koristi usluge agencija za posredovanje u zapošljavanju.

Oko 80% mladih kao razlog za odlazak navelo je činjenicu da ne vide da će u njihovoj zemlji uskoro biti bolje, odnosno da ne vide vlastitu bolju budućnost, a kao razloge navode i nezadovoljstvo uzrokovano političkom situacijom, prisustvo korupcije, nezaposlenost, preveliku zastupljenosti nacionalnih, vjerskih i ratnih pitanja, te nezadovoljstvo poslom i primanjima.

U zemljama u koje odlaze, mladi prema podacima ankete očekuju bolji obrazovni i zdravstveni sistem, bolji životni ambijent, veću mogućnost zaposlenja i bolju sigurnosnu situaciju.

Više od 30% ispitanika ne planira se vratiti u svoju zemlju, dok će ostali to učiniti ako im se pruži mogućnost da u svojoj zemlji imaju kvalitetniji život.



Na pitanje da li je riječ o porodičnom iseljenu, blizu 60% ispitanika odgovorilo je pozitivno, više od 20% da se njihove porodice pripremaju za odlazak, dok je oko 10% odgovorilo negativno.

Analiza rezultata dostupna je i na web-stranici www.mladi.org.

Omladinska konferencija u Gradačcu: Mladi u regionu prepušteni sami sebi, ali ne odustaju



Države ne rade dovoljno kako bi zadržale mlade, istakli su učesnici i učesnice Omladinske konferencije koja je od 18. do 21. septembra održana u Gradačcu.

Konferenciji su prisustvovali mladi iz Srbije, Crne Gore, Bosne i Hercegovine, Makedonije i Njemačke koji su razgovarali o migracijama, te pokušali pronaći rješenja koja bi mladima omogućila bolji život i zadržala ih u njihovim zemljama.

„Razlozi odlaska mladih uglavnom su isti u svim zemljama regije. Odlaze jer nemaju zaposlenje i nisu zadovoljni životnim ambijentom.“ – istakla je Jelena iz Srbije.

Mladi ističu kako migracije mogu biti vrlo pozitivne, posebno cirkularne. Odlična je prilika i za mlade i za državu da odlaze u druge zemlje, uče i stiču nova znanja, a onda po povratku svoje vještine primjenjuju u svojoj zemlji.

„Ne želim otići iz svoje zemlje. Želim se obrazovati i učiniti nešto veliko. Želim postati legenda. Država mi ne nudi ništa, ostajem u svojoj zemlji iz ljubavi.“ – poručio je Vahid iz Makedonije.

Tokom trajanja konferencije učesnici/e govorili su i o problemima u obrazovanju, neusklađenosti obrazovnog sistema sa tržištem rada, nedostatku usavršavanja ali i brojnim drugim problemima s kojim se suočava populacija mladih u zemljama regiona.

Institut za razvoj mladih KULT koji u Gradačcu ima aktivan ured posvećen radu sa mladima i organizacijama koje brinu o ovoj populaciji jedan je od partnera organizacije Omladinske konferencije koja je nastavak aktivnosti u okviru Erasmus+ projekta „Brain Drain, Brain Gain + Circular Migration“ (BB+C). Projekt traje od marta 2017. godine do februara 2018. godine, a učestvuje deset omladinskih organizacija iz sedam zemalja.

Implementacijski partneri su: Institut za razvoj mladih KULT i Gimnazija „Obala“ (BiH), Volonterski centar Skopje iz Makedonije, Mladiinfo Montenegro iz Crne Gore, Hrvatski filmski savez iz Hrvatske, NVO Duga i Ekološki centar Vojvodina iz Srbije, Omladinski centar Velenje iz Slovenije, te Ured zamlade iz Njemačke i NGO Memos iz Njemačke.

Projekt finansira Njemačka nacionalna agencija, autorizirana za implementaciju Erasmus+ programa, a podržana od Evropske Komisije.

Ranije je u okviru samog projekta organizirana i studijska posjeta Skopju, a planiran je i evaluacijski seminar u Njembergu, u januaru 2018. godine.

Kako do kvalitetnijih metoda u radu sa mladima?

U septembru je održan i treći modul Obuke za stručne saradnike/ce za rad sa mladima. Polaznici obuke u okviru ovog modula učili su o javnom zagovaranju i socijalnim kompetencijama.

Javno zagovaranje, odnosno zastupanje, neizostavan je dio građanskog aktivizma i okuplja grupe i pojedince koji žele da potaknu, osmisle, izvrše i promijene politike i ponašanja institucija u kojima se donose odluke važne za njihovu zajednicu i kvalitet života.

Kako bi gradili kvalitetnije odnose sa ljudima, polaznici/e su učili i o socijalnim kompetencijama, važnosti komunikacijskih vještina u uspostavljanju odnosa, nenasilnom rješavanju konflikata, donošenju odluka, ali i načinima rješavanja različitih problema sa kojima se mogu susresti tokom rada.

Za polaznike/ce obuke organizovane su i kafe sa Tarikom Hodžićem, poznatim bh. režiserom, te grupom volontera iz različitih evropskih zemalja.

Obuku za stručne saradnike/ce za rad sa mladima pohađaju polaznici/e iz svih dijelova Bosne i Hercegovine.



SAOPŠTENJA/INFORMACIJE/DONATORI/POZIVI

British Council: Poziv za kreativce i IT Stručnjake

Rok prijave 15.10.2017

Dnevna soba budućnosti / The Living Room of the Future

British Council vas poziva da učestvujete u kreiranju budućnosti broadcastinga i radite sa BBC-jem, laboratorijom za pomiješanu stvarnost Databox i sa Fondacijom za umjetnost i kreativnu tehnologiju (FACT). Aplicirajte do 15. oktobra i možete dobiti priliku da učestvujete na radionici na regionalnom forumu za inovacije „Sarajevo Unlimited“, 2. – 4. novembra 2017. Unlimited je regionalna platforma za inovatore, start-upove, talente i pokretače promjena organizovanih od strane poslovnog, kreativnog i inovativnog centra Networks INT.

Ukoliko se bavite kreativnim zanimanjima kao što je film, programiranje ili IT (posebno ukoliko se bavite Internetom stvari ili IoT-om), ako govorite engleski jezik i dolazite sa Zapadnog Balkana (Albanija, Bosna i Hercegovina, Kosovo, Makedonija, Crna Gora i Srbija), možete dobiti jedinstvenu priliku da steknete uvid u prestižne i nove načine razmišljanja o brodkastingu.

-Based Media (OBM) adaptacija i zaronićete duboko u stvaranje novih vrsta sadržaja koj

. Dob načinima razmišljanja o brodkastingu, Internetu stvari, privatnosti i podacima. Na kraju radionice, svi učesnici dobiće priliku da se takmiče kako bi osvojili jedno od dva mjesta za jedinstveni program koji se održava u Velikoj Britaniji.

vremenu o iskustvu gledanja. Program boravka biće održan u februaru 2018.

umjetničkoj organizaciji u Velikoj Britaniji, FACT.

nedjelje 15. oktobra u 23.59 CET.

Prijaviti se možete [ovdje](#).

Foto konkurs na temu „Problemi studiranja studenata sa invaliditetom“

Rok prijave 10.11.2017

U okviru aktivnosti „VasGlas, VasaPrica“ koju finansira Evropska unija (EU), a provodi Razvojni program Ujedinjenih nacija (UNDP) u Bosni i Hercegovini, Online zajednica studenata BiH (www.bhstudenti.com) objavljuje Foto konkurs na temu: „Problemi studiranja studenata sa invaliditetom“.





Pravo na obrazovanje kao jedno od osnovnih ljudski prava po mnogo čemu je uskraćeno i umanjeno osobama/studentima sa invaliditetom na većini bh fakulteta zbog neadekvatnih uslova na istima (nepostojanje pristupnih rampi, liftova unutar fakulteta, neprilagođenosti toaleta itd.)

Cilj konkursa je, putem istraživačkih video priloga, podizanje svijesti u bh javnosti, lobiranje kod nadležnih organa i pokušaj rješavanja nekih od problema s kojima se susreću osobe sa invaliditetom tokom studiranja.

Tehnički uslovi foto konkursa:

- Pravo učešća na konkursu imaju samo punoljetni građani Bosne i Hercegovine;
- Video prilog mora biti minimalne rezolucije 1280 x 720 i može trajati maksimalno 180 sekundi;
- Dozvoljeno je editovanje radova i dodavanje zvučnih i drugih efekata ali rad mora biti predstavljen u prirodnim bojama (crno-bijeli efekti i sl. nisu dozvoljeni)
- Radovi pored potpisa autora moraju sadržavati logo UNDP-a, Evropske Unije i Udruženja „BHstudenti“ (Oko ovog dijela autori trebaju konsultovati organizatora video-konkursa prije slanja finalnih radova;
- Naziv video priloga mora sadržavati ime i prezime autora/ice, naziv rada kako slijedi: ime_prezime_naziv video priloga;
- Autori su lično odgovorni za sadržaj video priloga i za eventualna kršenja autorskih prava;
- Autori slanjem video priloga daju organizatoru video-konkursa pravo na korištenje istih;
- Prijavljujući se na video-konkurs, učesnici prihvataju sve uslove konkursa i izjavljuju da su poslani radovi njihovi te da ne krše autorska prava drugih osoba (s posebnim naglaskom na eventualne pozadinske efekte i zvukove);
- Organizator (Udruženje „BHstudenti“) zadržava pravo da prihvati ili ne prihvati radove, odnosno prijave za koje smatra da ne odgovaraju temi postavljenog konkursa, koje tehnički ne zadovoljavaju minimum kriterijuma koji određuje konkurs ili koji sadrže uvredljiv sadržaj;
- Istraživačke priloge dozvoljeno je snimati bilo kojim uređajem koji može zadovoljiti gore navedene minimalne uslove;
- Konkurs je otvoren do **10. novembra 2017. godine**, tj. radovi se mogu slati zaključno sa 10. novembrom;
- Radovi se šalju tako što se organizatoru pošalje Youtube link video priloga na mail: **konkurs@bhstudenti.com**;
- Nakon zatvaranja konkursa svi radovi će biti objavljeni na platformi www.bhstudenti.com putem koje će se glasati;
- Odabir najboljih radova vršit će se glasanjem registrovanih članova platforme www.bhstudenti.com i ocjenom žirija. I to na način da će 50% ocjene činiti glasovi članova platforme a 50% ocjene žirija na skali od 1-5. Glasovi žirija će također biti javno objavljeni;
- Glasanje će trajati 30 dana poslije zatvaranja konkursa, a pobjednici će biti proglašeni u roku pet dana od završetka glasanja;
- Organizator zadržava pravo izmjene gore navedenih vremenskih rokova;
- Da bi konkurs bio validan potrebno je da minimalno tri rada zadovolje sve tehničke uslove;

Nagradni fond Foto konkursa:

- Prva nagrada **1400 KM**
- Druga nagrada **700 KM**
- Treća nagrada **300 KM**

Federalna TV poziva na audiciju za novinare, reportere i voditelje

Rok prijave 13.10.2017

Federalna TV vas poziva da se javite na audiciju za novinare/ke, reportere/ke i voditelje/ice. Radio-televizije Federacije vam nudi mogućnost za stjecanje zaposlenja u Sarajevu, te IT centrima: Mostar, Bihać, Tuzla, Zenica i Travnik. Audicije će biti održane:

- **17.10.2017. Sarajevo, RTV dom, Bulevar Meše Selimovića 12**
- **20.10.2017. Mostar, ITC BHT i FTV-a, ulica Krpićeva 3.**

Uz visoku stručnu spremu fakulteta društvenih smjerova, poželjno je da ste komunikativni, radoznali, uporni, te spremni za timski rad. Za voditelje/voditeljice visoka stručna sprema je poželjna, ali nije preduslov.

U sklopu audicije, nakon kratkog upoznavanja, biće obavljen audio-vizuelni test (studijsko snimanje), te usmeni test informisanosti o političkim, ekonomskim, kulturnim i drugim društvenim zbivanjima u zemlji i svijetu.

Svoju prijavu sa ličnim podacima (ime i prezime, datum rođenja, stručna sprema, eventualno radno iskustvo u medijima, te kratak opis ličnih karakteristika i interesovanja) i fotografijom možete dostaviti na e-mail adresu: programftv@rtvbih.ba do 13.10.2017.

Raspisana dva nova poziva u sklopu programa Kreativna Europa

Rok prijave 22.11.2017

Europska Izvršna agencija za obrazovanje, audiovizualnu djelatnost i kulturu (EACEA) je raspisala [POZIV](#) za podnošenje prijedloga projekta vezanih za podršku europskim projektima suradnje u vezi sa Europskom godinom kulturne baštine 2018.

Kroz ove projekte se mogu financirati aktivnosti koje se fokusiraju na interakciju međukulturnog nasljeđa i drugih formi materijalnih, nematerijalnih i digitalnih i drugih sektora koji moraju biti u odnosu sa kulturnim i kreativnim sektorom.

Projekt se mora realizirati između siječnja/januara i rujna/septembra 2018.

Glavni cilj projekta programa je podrška europskim projektima suradnje vezanih uz Europsku godinu kulturne baštine 2018. čime se želi potaknuti dijeljenje i uvažavanje europske kulturne baštine koja će podići svijest o zajedničkoj povijesti i vrijednostima koja će ojačati osjećaj pripadnosti zajedničkom europskom prostoru, navodi se u pozivu projekta.

“Dva glavna cilja projekta su jačanje osjećaja pripadnosti zajedničkom europskom prostoru kao i promocija kulturnog nasljeđa kao izvora inspiracije za umjetničkog suvremeno stvaralaštvo i inovacije koje će ojačati interakciju među drugim kulturnim i kreativnim sektorom”, navodi se u pozivu projekta.

Kroz ovaj projekt se ne mogu financirati aktivnosti koje se odnose na istraživanja vezana za kulturno nasljeđe niti organizaciju konferencija, izložbi, radionica u smislu glavnih aktivnosti projekta. S druge strane, ove aktivnosti mogu biti pomoćne u sklopu projekta.

Prihvatljivi podnosioci prijave su europski kulturni operatori koji djeluju u kulturnom i kreativnom sektoru, a koji posluju u jednoj od zemalja koje sudjeluju u podprogramu za kulturu.

Voditelj projekta mora imati najmanje dvije godine iskustva na datum roka za podnošenje prijave.

Kao glavni voditelji projekta nisu prihvatljive visokoškolske ustanove (uključujući, ali ne ograničavajući se na sveučilišta) i srodnih istraživačkih orijentacija, udruga ili organizacija; istraživačke institucije i / ili organizacije, zaklade ili udruge koje rade na području istraživanja; Turističke organizacije i / ili udruge.

Fizičke osobe ne mogu podnijeti zahtjev za dodjelu bespovratnih sredstava.

U programu mogu sudjelovati 28 država članica EU, zemlje kandidati i potencijalni kandidati koje su u procesu pristupanja EU, među kojima je i BiH kao i zemlje EFTA-e. Rok za predaju prijedloga za ovaj poziv je 18.1.2018.

Podrška Europskim projektima suradnje

[DRUGI POZIV](#) iz podprograma Kreativna Europa koji je također raspisan ovih dana odnosi na podršku europskim projektima suradnje u 2018. Glavni ciljevi ovog programa su jačanje kapaciteta europskih kulturoloških i kreativnih sektora za rad na transnacionalnoj i međunarodnoj razini i promicanje transnacionalne razmjene kulturnih i kreativnih djela.

Također, njegov cilj je poboljšati pristup publike kulturnim i kreativnim radovima u EU i šire s posebnim naglaskom na djecu, mlade ljude, osobe s invaliditetom i manje zastupljene skupine. Kroz ovaj poziv će se financirati projekti koji će pridonijeti inovativnosti i kreativnosti na području kulture, primjerice testiranjem novih poslovnih modela i promicanjem inovativnih preklapanja sa drugim sektorima.

Rok za predaju prijedloga za ovaj poziv je 22.11.2017.

[Više informacija.](#)

Otvoren 1. Poziv za dostavljanje prijedloga projekata u okviru IPA Programa prekogranične saradnje Srbija – Bosna i Hercegovina 2014. – 2020.



Ministarstvo finansija Vlade Republike Srbije, Direkcija za evropske integracije Vijeća ministara Bosne i Hercegovine i Ministarstvo za evropske integracije Vlade Republike Srbije objavljuju 1. poziv za dostavljanje prijedloga

projekata u okviru IPA II Programa prekogranične saradnje Srbija – Bosna i Hercegovina 2014-2020 te pozivaju potencijalne aplikante da podnesu prijedloge projekata u okviru tematskih prioriteta i specifičnih ciljeva za ovaj poziv. Poziv će biti otvoren od 2.10. do 16.11.2017. godine.

Svi neophodni dokumenti (Uputstva za aplikante, Aplikacioni formular sa aneksima kao i ostali relevantni dokumenti) mogu se preuzeti [ovdje](#) kao i na sljedećim web stranicama: www.cfcu.gov.rs; www.srb-bih.org; www.dei.gov.ba; www.evropa.gov.rs; <https://webgate.ec.europa.eu/europeaid/online-services/index.cfm?do=publi.welcome>.

Informacija o ovom pozivu ([oglas](#)) bit će također objavljena danas u dnevnim novinama: “Dnevni avaz”, “Gras Srpske” i “Dnevni list” u Bosni i Hercegovini te “Politika” u Srbiji. Operativne strukture Programa, Direkcija za evropske integracije Vijeća ministara Bosne i Hercegovine i Ministarstvo za evropske integracije Vlade Republike Srbije, te Ministarstvo finansija Vlade Republike Srbije u ulozi Ugovornog organa pozivaju potencijalne aplikante na informativne sesije koje će biti organizovane u Bijeljini (3.10.2017. godine) i Sarajevu (5.10.2017. godine) u Bosni i Hercegovini, te u Valjevu (10.10.2017. godine) i Sremskoj Mitrovici (24.10.2017. godine) u Republici Srbiji.



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar
Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orctuzla@bih.net.ba
hcatuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

*Prevod Biltena na engleski: **Stefan Cvijanović** – prof. engleskog jezika*

*WEB stranica Mreže:
www.omladina-bih.net*

*Mejling lista Mreže:
posta@omladina-bih.net*

*Webmaster:
emir.delalic@gmail.com*